

Headline	Tabung Haji serah sijil bada, haji untuk perwira negara		
MediaTitle	Utusan Malaysia		
Date	19 Feb 2014	Color	Black/white
Section	Dlm Negeri	Circulation	173,387
Page No	15	Readership	699,000
Language	Malay	ArticleSize	75 cm <sup>2</sup>
Journalist	N/A	AdValue	RM 977
Frequency	Daily	PR Value	RM 2,932



## Tabung Haji serah sijil *badal* haji untuk perwira negara

KUALA LUMPUR 18 Feb. - Lembaga Tabung Haji (Tabung Haji) menyerahkan sijil *badal* (upah) haji untuk perwira negara yang terkorban semasa mempertahankan kedaulatan negara dalam Ops Daulat di Lahad Datu dan Semporna, Sabah tahun lalu.

Pengarah Urusan Kumpulan dan Ketua Pegawai Eksekutifnya, Datuk Ismee Ismail berkata, Tabung Haji telah menunaikan *badal* haji untuk enam anggota polis dan seorang anggota tentera yang terkorban dalam tragedi berdarah itu.

"*Badal* haji adalah sebagai penghargaan atas pengorbanan mereka mempertahankan kesela-

matan dan kedaulatan negara daripada ancaman musuh.

"Pelaksanaan *badal* haji ini juga satu usaha Tabung Haji meringankan beban keluarga wira-wira negara untuk menunaikan ibadat tersebut," katanya dalam satu kenyataan di sini hari ini.

Semua sijil tersebut diserahkan kepada Ketua Polis Negara, Tan Sri Khalid Abu Bakar di Ibu Pejabat Polis Bukit Aman semalam.

Yang turut hadir Timbalan Ketua Polis Negara, Datuk Seri Mohd. Bakri Mohd. Zinin dan Pengurus Besar Hal Ehwal Awam dan Komunikasi Korporat Tabung Haji, Anis Zuhani Ahmad.